

2017 - ვიზალიგერაკალიზაციის, არჩევნების, პოლიტიკური სკანდალებისა და ხანძრების წელი


მიწურა კიდევ ერთი, პოლიტიკური მოვლენებით დახუნძლული წელიწადი, ამ წლის განმავლობაში ქვეყანაში და მსოფლიოშიც მრავალი უმნიშვნელოვანესი თუ ნაკლებ მნიშვნელოვანი რამ მოხდა: დავიწყეთ უვიზო მიმოსვლა ევროპასთან, ჩატარდა ადგილობრივი თვითმმართველობის არჩევნები, მრავალად იყო განხორციელებული საქმეები - ე.წ. ციანიდის საქმე, სპეცოპერაცია და დახვნილი ტერორისტები... თუმცა, 2017 წელი მინც ორიგინალურად - საქართველოს პრემიერ-მინისტრის გინებით დასრულდა.

წლის ყველაზე მთავარი პოლიტიკური მოვლენა ალბათ ვიზალიგერაკალიზაცია და ევროკავშირთან უვიზო მიმოსვლის დაწყება გახლდათ. საგარეო საქმეთა სამინისტროს ინფორმაციით, 2017 წლის 28 მარტიდან დეკემბრამდე, შენგენის ზონაში დაახლოებით 170 ათასი გამგზავრების ფაქტი დაფიქსირდა, საიდანაც 494 (ანუ 0.3) საზღვარზე არ შეუშვეს. პრაქტიკულად, საქართველოს მოქალაქეებმა დაუბრკოლებლად შეძლეს ევროკავშირში უვიზოდ მიმოსვლით სარგებლობა და მომავალში ეს რიცხვი ალბათ კიდევ უფრო გაიზარდება. ასე რომ, თუ დღეს საბჭოთა საქართველოში მცხოვრები უფროსი ადამიანები მოსკოვში 30 მანეთად გადაფერვა-გადმოფერვით იწონებენ თავს, მომავალი თაობა უკვე ევროპაში 30 ევროდ სიარულით დაიწყებს ტრაბახს!

2017 წელი გარდა პოლიტიკური სკანდალებისა, პოლიტიკური არჩევნების წელიწადიც იყო - ჩატარდა ადგილობრივი თვითმმართველობის არჩევნები, სადაც სახელისუფლებო პოლიტიკურმა ძალამ „ქართულმა ოცნებამ“ დამაჯერებლად გაიმარჯვა. მართალია ამომრჩეველთა დაბალი აქტივობის პირობებში, მაგრამ მაინც დამაჯერებლად. ამავე დროს დემოკრატიის „კლასიკ“ აჩვენეს - რიგ ქალაქებში, მაგალითად ქუთაისში, მერის არჩევნათვის მეორე ტურის ჩატარება გახდა საჭირო. პრინციპში, ამ კონტექსტით დიდი განსხვავება 2017 წელს არ ყოფილა - ხელისუფლება დემოკრატიული არჩევნების ჩატარებით იწონებდა თავს, ოპოზიცია კი ხელისუფლებას დემოკრატიის დასამარტებაში აღნაშაულებდა.

რაც შეეხება სკანდალურ მოვლენებს, ალბათ ე.წ. ციანიდის საქმე განსაკუთრებით დასამახსოვრებელი და აღსანიშნავი იყო. რა თქმა უნდა, დეტალებს აღარ შევხებით, იმდენად დაწვრილებით იყო ყველა დეტალი განხილული საზოგადოებაში, თუმცა ამ ფაქტმა აშკარად აჩვენა, რომ საქართველოს საპარტიარქოში მწვავე დაპირისპირება და ეს დაპირისპირება ამ წელიწადში არ დასრულებულა და როგორც ჩანს, ეს უკვე მომავალი 2018 წლის თავის ტივილიც იქნება.

2017 წელი ხანძრების წელიწადიც აღმოჩნდა - დაწყებული ბორჯომის ტყეში გაჩენილი ხანძრით, დამთავ-



რებული ბათუმში, სასტუმროში გაჩენილი ხანძრით, რომელსაც ათზე მეტი ადამიანი შეეწირა და რომელმაც ისევ გვაჩვენა, რომ სახანძრო უსაფრთხოების სფეროში ვერაფერი ვისწავლეთ.

2017 წლის ბოლოს კი სამთავრობო ცვლილებებით შევხვდით - გაუქმდნენ რამდენიმე სამინისტრო და დაინიშნენ ახალი მინისტრები, ახალმა მთავრობამ კი პარლამენტის წინააღმდეგ მიიღო (მიუხედავად იმისა, რომ მთლად კარგად ვერც ჩვენმა კანონმდებლებმაც გაიგვეს რისთვის მოხდა

ასეთი სტრუქტურული ცვლილებები და რა დადებით შედეგს მოგვცემს ეს ბოლოს). ყველაფერი ეს ჩვეულებრივი პოლიტიკური პროცესი იქნებოდა, რომ არა პრემიერ-მინისტრ გიორგი კვიციანიშვილის და „ნაციონალი“ ნიკა მელიას შელაპარაკება, რასაც პრემიერის ვინება მოჰყვა. მართალია პრემიერმა ამის გამო შემდეგ ბოდიშიც მოიხადა, თუმცა საზოგადოების ნაწილში ამას მოწონებაც კი მოჰყვა და როგორც ამბობენ, კვიციანიშვილის პროფილს სოციალურ ქსელებში „ლაიქებიც“ კი შეემატა.

რაც შეეხება საერთაშორისო ამბებს, აქ 2017 წლის უდაო ლიდერი აშშ-ს საპრეზიდენტო არჩევნებში დონალდ ტრამპის გამარჯვებაა, რომელმაც 2017 წელი იერუსალიმის ისრაელის დედაქალაქად აღიარებით დაასრულა და მომავალ 2018 წელში საკმაოდ დიდი თავისტიკვილი გააჩინა ახლო აღმოსავლეთში.

ბედნიერ დამდეგ ახალ წელს გილოცავთ, ძვირფასო მეგობრებო!

სოფია პაპაშვილი

რას გვპირდებიან ასტროლოგები - როგორი იქნება 2018 წელი?

აღმოსავლეთის ფილოსოფიაში თითოეული წელი გარკვეული ცხოველის თანხლებით მიმდინარეობს. ლეგენდის თანახმად, მათ პატივი ერგოთ, გამხდარიყვნენ 12-წლიანი ციკლის ერთ-ერთი წლის მფარველები.

ჩინური კალენდრით, 2018 წელს ყვითელი ძაღლის წელი დადგება. ძაღლი ყოველთვის იყო ერთგული მეგობარი, კარგი თანამოსაუბრე და მკაცრი მოსამართლე. მომავალი წელიც ამ მფარველი ცხოველის ნიშან-თვისებების შესატყვისად ჩაივლის, ამიტომ ყველა ნიშნისთვის გარანტირებული იქნება წარმატება და იღბალი.

ასტროლოგიური პროგნოზის თანახმად, დადებითი ტენდენციები შეეხება არა მხოლოდ კარიერულ ზრდას, არამედ პირად ცხოვრებასაც. მხოლოდ საჭიროა, მიზნისკენ აიღოთ გეზი და შედეგაც საოცარი იქნება. როგორც ასტროლოგები ვარაუდობენ, 2018 წელი, ყვითელი ძაღლის წელიწადი - საკმაოდ მშვიდი, ჰარმონიული და ნაყოფიერი იქნება. ამ წელს ადამიანები გაცილებით უფრო ტოლერანტულები, გამგებანიები და დიპლომატიურები გახდებიან ერთმანეთის მიმართ. ზოგადედ მსოფლიოში წამოიწვეს წინ 3 უმთავრობის, საყოველთაო ძმობის და კაცთოყვარების ტენდენცია. ყვითელი ძაღლის წელი ბევრი ადამიანის ცხოვრებაში ე.წ. „ლუზის ჩაშვების“ და ნანატრი სიმშვიდის მოპოვების წელიწად-

ი იქნება. ძალიან ბევრ ჩვენგანს ზუსტად ამ წელს მიეცემა შანსი შეიძინოს ნანატრი სახლი, დაოჯახდეს და იპოვოს ბოლოს და ბოლოს ის კომფორტი და სულიერი წონასწორობა, რომელსაც მთელი სიცოცხლის მანძილზე ვერ პოულობდა.

ტოლერანტულობის კოეფიციენტი გაიზარდება სხვადასხვა რელიგიური აღმსარებლობისა და ეთნიკური წარმომომის ადამიანებს შორის კომუნიკაციაში. პოლიტიკურ სარბიელზე კი რეალურად გაჩნდება შანსები, რომ აქამდე არსებული მწვავე კონფლიქტები გაცილებით უფრო მშვიდობიანი და დიპლომატიური გზებით მოგვარდეს. არაჩვეულებრივი წელია მოგზაურობისთვის და შემეცნების კუთხით. არ არის გამორიცხული ამ წელს მსოფლიომ იხილოს ახალი ტექნოლოგიები და პრეპარატები, რომელიც დიდ როლს ითამაშებს სამომავლოდ ჯანდაცვის სისტემაში. უმართლესად ადამიანებს ვისი ხასიათის თვისებებიც გამოირჩევა: სიმშვიდით, მეგობრულობით, მოთმინებით, ერთგულებით, პრაქტიკულობით, შრომისმოყვარეობით, ლოგიკური აზროვნებით, მიზანდასახულობით.

2018 წელი ოპტიმიზმისა და პოზიტიური განწყობის წელია. ძაღლის წელს დაბადებულებისთვის 2018 წელი წარმატებული იქნება ნებისმიერ წამოწყებაში, ეხება ეს იმიჯისა თუ პროფესიის შეცვლას, ქორწინებას; ასე რომ, იმოქმედეთ!

ვირთხებს ბევრი მუშაობა მოუწევთ. ეს წელი რთული იქნება მათთვის, სამაგეროდ, მუშაობის შედეგებით კმაყოფილი დარჩებიან. მთავარია, არ დაზოგონ დრო და არ იზარმაცონ!

ხარისთვის 2018 წელი სიურპრიზს ამზადებს — ეს ან ფულადი მოგება ან კარიერული წინსვლა იქნება. მათთვის პირად საკითხებში ბედნიერი თვე ნოემბერი იქნება.

გვეფხებს 2018 წელი საკუთარი პოტენციალის რეალიზებასა და ნიჭის წარმოჩენაში შეუწყობს ხელს; ამაში კი მათ ძალიან დაეხმარება — არ შეუშინდეთ სიახლეებს, თამამად იარეთ წინ, მიზნისკენ!

კურდღელი (კატა) მთელი წელი ნებისმიერ საქმეში გამარჯვებებისკენ, პირველობისკენ სწრაფვას შეაღწევს. მთავარია, ზედმეტი არ მოუვიდეს და მაშინ მათი შრომა ნამდვილად დაფასდება!

დრაკონები ძაღლის წელიწადში ახალ მეგობრებს შეიძენენ. ამ ნიშნით დაბადებულ ადამიანებს ყურს დაუგდებენ და რჩევებს ჰკითხავენ. ისინი სიმშვიდისა და სულგაძელობის ტალღაში ჩაიძირებიან!

გველებისთვის ეს წელი თვითგანვითარების კუთხით უჩვეულო იქნება. ისინი შეძლებენ საკუთარი პიროვნების ახალი საზღვრების გახსნას, ნეგატიური ასპექტების დამუშავებას, რომლებიც მათ განვითარებას უშლის ხელს და უფრო ბრძენი და მომთმენი გახდებიან.

ცხენებს მშვიდი და სასიამოვნო წელი ელოდებათ. ერთადერთი პრობლემა მათთვის ჯანმრთელობა იქნება. რასთან ხუმრობაც



ნამდვილად არ ღირს. ძაღლი ურჩევს, არ გადაღონ მკურნალობა და საერთოდ, ეს საკითხი პირველ ადგილზე დააყენონ.


თხებისთვის (ცხვარი) ეს ეტაპი წარმატებით ჩაივლის. ისინი ამ წელში თავდაჯერებულნი იქნებიან, საკუთარ ემოციებს მთლიანად დაიჭვამდებარებენ. მათ წლის შუა პერიოდში რამდენიმე უჩვეულო შეხვედრა ელოდებათ.

მაიმუნებს ერთ ადგილზე რა გააჩერებთ; მათ სულ ცვლილებები და თავგადასავლები სწყურიათ. მაგრამ ფორტუნამ მათ საკუთარი გეგმები მოუშადა. მათი წელი ჩაივლის ლოზუნგით: „სწავლა, სწავლა და კიდევ ერთხელ სწავლა“, ასე რომ, შეხვედრები და ახალი ნაცნობობა მეორე პლანზე გადაიწვეს.

მამულს უზენაესმა ძალებმა საკმაოდ მოულოდნელი საჩუქარი მოუშადა, რომელიც მათ ცხოვრებას კარდინალურად შეცვლის. ისინი მიიღებენ არნახულ შესაძლებლობებს, ასე რომ, შანსი არ უნდა გაუშვან!

„კაპიონის გაკლირებით ჩვენ ვაკლირებთ სახელენიფოს!“

„რეგიონის გაძლიერებით ჩვენ ვაძლიერებთ სახელმწიფოს, ამიტომაც, მიუხედავად იმ დიდი პასუხისმგებლობისა, რასაც ხალხზე ზრუნვა აკისრებს მერს, მინდა, ჩემი ცოდნა და გამოცდილება მშობლიური ქალაქისა და ჩემი კუთხის მოსახლეობის კეთილდღეობას მოვახმარო. ზესტაფონი ყოველთვის გამოირჩეოდა და განსაკუთრებული ადგილი ეჭირა თავისი ინდუსტრიული მნიშვნელობით. ყველაფერს ვაგაკეთებთ იმისთვის, რომ ჩვენი ქალაქისა და კუთხის შესაძლებლობები, უპირველეს ყოვლისა, მკვიდრი მოსახლეობის კეთილდღეობას მოხმარდეს“ – აცხადებს ზესტაფონის მუნიციპალიტეტის მერი კახაბერ მახათაძე და იმ პროექტებსა და მიმართულებებზე საუბრობს, რომლის განხორციელებასაც მომდევნო ოთხი წლის განმავლობაში აპირებს.



საავტომობილო გზების რეაბილიტაცია, სპორტული მოედნების აღდგენა, სკვერების რეკონსტრუქცია, საბავშვო ბაღების კეთილმოწყობა, ფასადების და სანიტარული სისტემების მოწესრიგება – ეს იმ პროექტების არასრული ჩამონათვალია, რომლის განხორციელებაც 2018 წელს იგეგმება ზესტაფონში. როგორც კახაბერ მახათაძე ამბობს: „ზესტაფონში აღმშენებლობის პროცესი იწყება. მე მაქვს იმის ამბიცია, რომ ზესტაფონი იმერეთის რეგიონში ერთ-ერთი ყველაზე ლამაზი და მოწესრიგებული ქალაქი იყოს. 2018 წლიდან ჩვენ აღმშენებლობის მოედანზე ახალი ინფრასტრუქტურული პროექტის განხორციელებას დაიწყებთ. ცენტრალური მოედნის რეკონსტრუქციის პროექტი იძლევა იმის შესაძლებლობას, რომ სახელმწიფო თეატრის მიმდებარე ტერიტორია გამორჩეული სივრცე გახდეს, როგორც ჩვენი თანაქალაქელებისთვის, ასევე – ჩვენი სტუმრებისთვის. მომდევნო წლებს განმავლობაში ქალაქის განვითარებისთვის სხვა მნიშვნელოვანი პროექტების განხორციელებასაც ვგეგმავთ.“

ზესტაფონის მუნიციპალიტეტის 2018 – 2021 წლების განვითარების გეგმა მასშტაბური ინფრასტრუქტურული და სოციალური პროექტებით არის წარმოდგენილი. საქართველოს ხელისუფლება ზესტაფონის მუნიციპალიტე-

ტის ტერიტორიაზე 2018-2021 წლებში განსახორციელებელი ინფრასტრუქტურული პროექტების დასაფინანსებლად 19,7 მლნ ლარს გამოყოფს. მათ შორის: 2018 წელს – 4,5 მლნ, 2019 წელს – 4,8 მლნ, 2020 წელს – 5 მლნ და 2021 წელს 5,3 მლნ ლარს.

მიმდინარე ინფრასტრუქტურული პროექტების ჩამონათვალი კი ასეთია:

- ასლანიკაშვილის სანაპიროზე, მოსწავლე ახალგაზრდობის მიმდებარედ, მოძრაობის მოსაწყობად რეგულაციის ბილიკების, წრისა და ვაზონის მოწყობა;
- ჭანტურიას ქუჩაზე, ფაბრიკის მიმდებარედ არსებული წრის კეთილმოწყობა;
- ზაქარაიძის ქუჩაზე, ახალი ხილიდან ჩხეიძის ქუჩის ასახვევამდე ტროტუარებისა და ბორდიურების რეაბილიტაცია და ღობეების მოწყობა;
- სტაროსელის ქუჩაზე, ავტოსადგურის მიმდებარედ ორი სკვერისა და წრის მოწყობა;
- ვიორგი ლეონიძის ქუჩის რეაბილიტაცია;
- სააკაძის ქუჩის რეაბილიტაცია.

თვის დაიჯესტი

საახალწლო სამზადისი ზესტაფონში

ზესტაფონის მუნიციპალიტეტის მთავარი ნაძვის ხე 23 დეკემბერს საზეიმოდ აინთო. ახალი წლის სიმბოლო ზესტაფონის ქალაქის მერმა ბავშვებთან ერთად აანთო და მოსახლეობას დამდეგი შობა-ახალი წელი მიულოცა. საღმრთადასწავლო აქსესუარები და განათებები ქალაქის ყველა ცენტრალურ უბნებზე დამონტაჟდა. 31 დეკემბერს, ცენტრალურ მოედანზე, მთავარ ნაძვის ხესთან 22 სთ – დან საახალწლო შოუ პროგრამა მოეწყობა. კონცერტს ჯგუფი "სტიქია" გახსნის. შემდეგ კი სცენა, პოპულარულ ქართულ მომღერლებს დაეთმობა. საახალწლო საკონცერტო პროგრამას ვიორგი შანიძე წაიყვანს. კონცერტის დასრულების შემდეგ კი იქნება ფეიერვერკი.



საზანოში საჭიდაო დარბაზის მშენებლობა აქტიურად მიმდინარეობს

საზანოში საჭიდაო დარბაზის მშენებლობის სამუშაოები აქტიურად მიმდინარეობს. ახლახანს მშენებლობის ზესტაფონის მუნიციპალიტეტის მერი კახაბერ მახათაძე ესტუმრა და პროცესს ადგილზე გაეცნო. საჭიდაო კომპლექსის მშენებლობა მუნიციპალიტეტის დაკვეთით რამდენიმე თვის წინ დაიწყო სოფელში. პროექტი ადგილობრივი ბიუჯეტის დაფინანსებით ხორციელდება და მისი ღირებულება 157 207 ლარია. ახალი დარბაზის მშენებლობის დასრულების შემდეგ, აღსაზრდელებს შესაძლებლობა ექნებათ, როგორც თავისუფალი სტილით ჭიდაობაში, ასევე ძიულში ივარჯიშონ. როგორც კახაბერ მახათაძე აღნიშნა, საჭიდაო დარბაზის მშენებლობა დიდ როლს ითამაშებს ახალგაზრდებში ცხოვრების ჯანსაღი წესის დამკვიდრებაში. მშენებლობის პროცესს მუნიციპალიტეტის მერი სოფლის მაჟორიტარ დეპუტატთან, ბუბა ნასრაძესთან



ერთად გაეცნო. ვალდებულების მიხედვით, მშენებლობა ორგანიზაცია

ციამ სამუშაოები იანვრის ბოლოს უნდა დაასრულოს.

ზესტაფონელ ახალგაზრდა ფეხბურთელებს ვიცე-ჩემპიონის ტიტული მერმა მიულოცა

ზესტაფონის მუნიციპალიტეტის მერი კახაბერ მახათაძე „ზესტაფონის“ ჩემპიონატის ფეხბურთელებს შეხვდა და მათ „ოქროს ლიგის“ გათამაშებაში ვიცე-ჩემპიონის ტიტულის მოპოვება მიულოცა. „საამაყუა ზესტაფონისთვის, რომ გუნდმა ვიცე-ჩემპიონის ტიტული მოიპოვა. დარწმუნებული ვარ, ეს გამარჯვება ღირსეული ბრძოლის გარეშე ვერ შედგებოდა. ვულოცავ ფეხბურთელებს და მთელ გუნდს ამ დიდ წარმატებას. ჩვენ ყველაფერს ვაგაკეთებთ იმისათვის, რომ გვერდით დაუდგეთ საფეხბურთო კლუბს, რათა კიდევ არაერთი გა-

მარჯვების მომსწრენი გავხდეთ“. შეხვედრისას ს/კ „ზესტაფონის“ მენეჯერმა სერგო ფუტყარაძემ გუნდის სახელით კახაბერ მახათაძეს სამაჩხოვრო მანსურის გადასცა, მუნიციპალიტეტის მერმა კი ფეხბურთელებს წმინდა გიორგის ხატი უსახსოვრა. ფეხბურთელებთან შეხვედრა საკრებულოს განათლების, კულტურის, სპორტის, ტურიზმის და ახალგაზრდულ საკითხთა კომისიის თავმჯდომარის, კობა გოჩალეიშვილის ინიციატივით შედგა. შეხვედრის დასრულების შემდეგ, ყველამ ერთად სამაჩხოვრო ფოტო გადაიღო.



საახალწლო ნობათი მზრუნველობამოკლებულთათვის



ზესტაფონის მუნიციპალიტეტის მერმა კახაბერ მახათაძემ, საზანოს მაჟორიტარ დეპუტატთან, ბუბა ნასრაძესთან ერთად, სოფელში მცხოვრები სოციალურად დაუცველი ოჯახები მოინახულა და მათ დამდეგი შობა-ახალი წელი მიულოცა. ამავე დროს, თხუთმეტ მზრუნველობამოკლებულ ოჯახს, სასურსათო კალათიც გადასცეს ხელისუფლების წარმომადგენლებმა.

მცირე ბიზნესი, როგორც ეკონომიკური მოვლენა - პირსპექტივები და იმედი

„მცირე ბიზნესის განვითარების ხელშეწყობის პროექტი 2“, რომელიც ხორციელდება 2015 წლის ივლისიდან, დამატებით ფაზაში შევიდა. გენდა შევასენოთ მკითხველს, რომ აღნიშნული პროექტი ინიცირებული და დაფინანსებულია BP-სა და მისი პარტნიორების მიერ საქართველოს მისაღწევების კომპანიაში. პროექტის მიზანია ბაჭო-სუფის მისაღწევის გასწვრივ მდებარე სოფლების მოსახლეობისთვის მცირე ბიზნესის წამოწყებისა და განვითარების ხელშეწყობის საშუალებათა შექმნა. პროექტს ახორციელებს ორგანიზაცია კონსულტაციის და ტრენინგის ცენტრი CTC.

საერთო ჯამში სამი საგრანტო კონკურსის შედეგად დაფინანსდა 137 დამწყები მიკრო-მეწარმე, რაც ამდენზე სამეზობლო ადგილის შექმნას ნიშნავს. დაფინანსებული მიკრო-ბიზნესების საოჯახო შემოსავალი საშუალოდ 30-40%-ით გაიზარდა. ყველა მათგანმა გაიარა ტექნიკური და პროფესიული ტრენინგები, საგადასახადო კონსულტაციები და მილორჩევები ბიზნესის მუშაობის სრულყოფასთან დაკავშირებით. სამოც სამიხე სოფელში შეიქმნა დამატებითი სასოფლო და არასასოფლო-სამეურნეო პროდუქცია, მისაწვდომი გახდა სერვისები, რომლებიც ადრე არ არსებობდა.

CTC-ის ღრმა რწმენით, სოფლად ბიზნესის განვითარება რეალურ საფუძველს წარმოადგენს მოსახლეობის დასაქმებისა და შემოსავლების ზრდისათვის. ერთი მხრივ, სოფლად ბიზნესის დასაწყებად გაცილებით ნაკლები სასტარტო კაპიტალია საჭირო. მეორე მხრივ, ამ ფულის მოპოვებაც მოსახლეობას უჭირს, რადგან სახელმწიფო პროგრამებში მონაწილეობისთვის საჭიროა გარკვეული კრიტერიუმების დაკმაყოფილება, რასაც ბევრი ვერ ახერხებს. ამიტომ ის, რომ პროექტი მუშაობს ჩვეულებრივ ადამიანებთან და აძლევს მათ დაფინანსების მიღების საშუალებას, ძალიან მნიშვნელოვანი და საჭირო საქმეა.

ჩვენთვის საინტერესო იყო გასაუბრება რამდენიმე დაფინანსებულ მიკრო-მეწარმესთან. ვინის რაიონის სოფ. ამაღლებში მცხოვრები რამაზ კახანაძე 2017 წლის მარტში დაფინანსდა. მან გახსნა ფეხსაცმლის სააქრო, სადაც არემონტებს და კერავს ქალისა და მამაკაცის ფეხსაცმელს. მოთხოვნამ მის მომსახურებაზე მოლოდინს გადააჭარბა. ბატონ რამაზს უკვე კარგად იცნობენ როგორც ამაღლებაში, ასევე გარშემო სოფლებში. „ოქროს ხელები აქვს და ძალიან შედეგითანი ფასები“ - იძახიან კმაყოფილი კლიენტები. თვითონ ბატონი რამაზიც კმაყოფილი და ამაყია თავისი ბიზნესით და იმედი აქვს, რომ ადრე თუ გვიან მოახერხებს მის გაფართოვებას.

„პირველ რიგში დიდ მადლობას მოვახსენებ ორგანიზაცია CTC-ის და პროექტის დონორს BP-ს, მათი მხარდაჭერის გარეშე მე ვერ შევძლებდი ჩემი ბიზნესის დაწყებას. დღესდღეობით მიკრო-ბიზნესის სტატუსი მაქვს“, - ამბობს ის. ეს ძალიან კომფორტული რეჟიმი აღრიცხვისა და დაბეგვრის თვალსაზრისით და ნამდვილად დასაფასებელია მსგავსი ხელშეწყობა სახელმწიფოს მხრიდან. მაგრამ თუ ბიზნესი მოინდომებს გაფართოვებას, ვინმეს დასაქმებას, ეს შედეგათვით უქმდება. მაგალითად, თუ მცირე ბიზნესის წლიური ბრუნვა 100,000 ლარს გადააჭარბებს, უნდა გადაიხადოს დღგ და საშემოსავლო გადასახადი. ალბათ, მართლ ჩემს აზრს არ გამოვხატავ, თუ ვიტყვი, რომ ეს მნიშვნელოვნად აფერხებს მცირე მეწარმეობის, როგორც კლასის ჩამოყალიბებას. საგადასახადო ტრენინგის შემდეგ ვფიქრობდი ამ თემაზე და, ჩემი აზრით, კარგი იქნება, თუ სახელმწიფო გადახედავს აღნიშნულ ზღვარს, რომელიც თხუთმეტი წლის წინ დაწესდა, რადგან მას შემდეგ გაცილებით შეიცვალა ფასების დონე“, - ამბობს ბატონი რამაზი. რა თქმა

უნდა, ეს მისი პირადი შეხედულებაა, თუმცა ნამდვილად არ არის ლოგიკის მოკლებული.

ცნობისათვის: ევროკავშირში მიკრო-ბიზნესის სტატუსი აქვს საწარმოს, რომელშიც დასაქმებულია არა უმეტეს ათი ადამიანისა და რომლის წლიური ბრუნვა არ აღემატება ორ მილიონ ევროს.

მადლიერებას პროექტის და მისი დონორის BP-ს მიმართ გამოხატავს ბევრი სხვა დაფინანსებული მიკრო-მეწარმეც, რომელთა ჩამოთვლა შორს წავიყვანს, მაგრამ რამდენიმეს მაინც ვანსაკუთრებით აღვნიშნავდი. მაგალითად, ქან ნინო ბრეგვაძეს, ჭიათურის მუნიციპალიტეტის სოფ. ქვედა ბერეთისადან, რომელმაც სამკერვალო გახსნა და უკვე მოასწრო სახელმწიფო პროგრამის - „აწარმოე საქართველოში“ - საგრანტო კონკურსში გამარჯვება და საქსოვი დაზგის შექმნა, ქალბატონ ლარისა ნებეირიძეს ზეს-ტაფონის მუნიციპალიტეტის სოფ. ქვედა საქარდანს, რომელმაც 2017 წლის მაისში ხილის საწარმო დაიარსა და ასევე გაიმარჯვა „აწარმოე საქართველოში“-ის საგრანტო კონკურსში. ახალგაზრდა ქალბატონ მირანდა ბურჯანაძეს, სოფ. ტყლაპიჯიკიდან, რომელმაც ორი წლის წინ ნულიდან დაიწყო და დღეს მისი საფუტკრე მეურნეობა 30 ოჯახს მოიცავს, ბატონ გრიგოლ დვალს, რომელიც დახვეწილ ავეჯის გარნიტურებს ამზადებს ზეს-ტაფონის მუნიციპალიტეტის სოფ. ცხენთაროში. ყველა ისინი მადლობას უხდებიან პროექტს საკუთარი ბიზნესის დაწყების შესაძლებლობისთვის, რითაც მათ არამარტო შემოსავალი გაზარდეს, არამედ სტიმული მიეცათ იფიქრონ შემდგომ განვითარებაზე.



რამაზ კახანაძე, ფეხსაცმლის სააქრო, სოფელი ამაღლება.

ვანსაკუთრებით აღსანიშნავია, რომ დაფინანსებული მიკრო-მეწარმეები ხაზს უსვამდნენ, რომ მათთვის სწავლება თითქმის ისეთივე მნიშვნელოვანი იყო, როგორც მიღებული დაფინანსება.

პროექტის ფარგლებში დაინერგა ასევე საინტერესო სიახლე „მენტორობა“ - როდესაც შედარებით გამოცდილი და წარმატებული მიკრო-მეწარმეები, ანუ მენტორები, გამოცდილებას უზიარებენ და რჩევებს აძლევენ თავიანთ ახალბედა კოლეგებს.

მენტორების შერჩევა მოხდა კონკურსის საფუძველზე - შერჩეული იქნა ყველაზე უნარიანი და მოტივირებული ადამიანები პროექტის წინა და ამჟამინდელი ფაზებიდან, ვისაც არა მარტო კარგი ბიზნეს-შედეგები ჰქონდა, არამედ შესაბამისი პიროვნული თვისებებიც გააჩნდა. მენტორები მონაწილეობდნენ სხვადასხვა ღონისძიებებში, დაწყებული საგრანტო კონკურსებიდან და დამთავრებული პრაქტიკული კონსულ-

ტაციებით ადგილებზე. ისინი კარგად იცნობენ ბიზნესის ადგილობრივ კონტექსტს, ბაზრის ძირითად მოთამაშეებს, გავლილი აქვთ განვითარების იგივე ეტაპები და შეუძლიათ ღირებული კონკრეტული რჩევების მიცემა. პროექტის მენეჯმენტის თქმით, მენტორების მიერ მონახულებული ბიზნესების ნახევარზე მეტმა პრაქტიკულად დაინერგა მათი რეკომენდაციები და გააუმჯობესა სამეურნეო საქმიანობის შედეგები.

ამასთან დაკავშირებით გაცესაუბრეთ პროექტის ერთ-ერთ მენტორს, მამუკა იმნაძეს, სოფ. გვიმბალაურის მკვიდრს, რომელიც 2015 წლის ბოლოს დაფინანსდა და ფუტკრის რძეს აწარმოებს.

„პროექტში მონაწილეობა ჩემთვის მართლაც ფასდაუდებელი გამოცდილება გახდა,“ - ამბობს ის. „ძალიან მიყვარს ჩემი საქმე, ყოველთვის ვცდილობდი ახალი ცოდნის შექმნას და გაზიარებას ახლობლებისთვის, მეზობლებისთვის, მეგობრებისთვის. ძალიან მიხარია, რომ შევეძლი ჩემი

ცოდნის გადაცემა დამწყები კოლეგებისთვის. მეამაყება, რომ შევეძლი კონკრეტული სარგებლის მოტანა. ბედნიერი ვარ, როცა მესმის მადლობის სიტყვები. პირველ რიგში, ვცდილობ ვუზიარო ადამიანებს თავისი რესურსების ეფექტიანად გამოყენებისკენ. მენტორობის შედეგად მე გავხდი უფრო თავდაჯერებული, ბევრი საინტერესო ადამიანი გავიცანი, იმედი მაქვს, რომ ისინი კმაყოფილი არიან ჩემთან ურთიერთობით. ვინ იცის, იქნებ ერთ დღეს მეც პროფესიული კონსულტანტი ვაგხდებ.“

პროექტის გუნდის თქმით, მამუკა არის მკოდნე, უაღრესად კეთილშინდისიერი და ამავე დროს მოკარძალებული ახალგაზრდა მამაკაცი, რომელიც ბევრს მუშაობს საკუთარ თავზე, აქტიურად მონაწილეობს მეფუტკრეების პროფესიულ შეხვედრებში და ფესტივალებში. ადამიანები ხელახავენ, რომ მას გულწრფელად სურს დახმარება და მუდმივად ეკონტაქტებიან ტელეფონით, რჩევებს ეკითხებიან.

პროექტის ბენეფიციარებთან და წარმომადგენლებთან გასაუბრების შედეგად, ალბათ, შეიძლება დასკვნის გაკეთება, რომ მიკრო-მეწარმეობის განვითარების ხელშეწყობის პროექტმა რეალური და საინტერესო შედეგები გამოიღო. ჩვენი აზრით, სოფლის პირობებში მიკრო-ბიზნესები, მიუხედავად გარკვეული რისკებისა, არის ეკონომიკური აქტივობის ყველაზე მართებული ფორმა, რადგან ისინი არიან მოქნილები, აქვთ მინიმალური დანახარჯები, სწრაფად რეაგირებენ კონიუქტურის ცვლილებებზე, სოფლად ნაკლებია კონკურენტების რაოდენობა. მნიშვნელოვანი უპირატესობაა ისიც, რომ ისინი კარგად იცნობენ თავიანთ კლიენტურას.

წარმატებას ვუსურვებთ პროექტს და იმედს გამოვთქვამთ, რომ ის გახდება კიდევ ერთი მნიშვნელოვანი შენატანი რეგიონული ეკონომიკის განვითარებაში.

ნათა გულბანი



პროექტის ბენეფიციარები მამუკა იმნაძე სოფელ ქვედა ჩიათურისთან



გიორგი ხუციშვილი: „ყოველთვის იმ ვიქნები, სადაც სამოქმედო დასაქმება“

„საზოგადოებრივი ფონდის“ სტუმარია დასავლეთ საქართველოს სამედიცინო ცენტრის სამედიცინო დირექტორი, ორთოპედ-ტრავმატოლოგი გიორგი ხუციშვილი.

პროლოგის მაგიერ

გიორგი ხუციშვილი დაიბადა თბილისში 1976 წლის 21 მარტს. დაამთავრა თბილისის მე-16 საჯარო სკოლა. უმაღლესი სამედიცინო განათლება თბილისში მიიღო. შემდეგ მუშაობდა საქართველოს სასაზღვრო ჯარების ცენტრალურ ჰოსპიტალში, იგივე საზღვრის დაცვის სახელმწიფო დეპარტამენტის ჰოსპიტალში. 2007 წლიდან კი მუშაობს ქუთაისში, დასავლეთ საქართველოს სამედიცინო ცენტრში. ჰყავს მეუღლე და ოთხი შვილი. მეოთხე თაობის თბილისელი დღემდე არ იფიქრებს თავის ფესვებს, თვლის, რომ მის პიროვნებასთან ყველაზე ახლოს რაჭაა, თუმცა დასძენს, რომ ყოველთვის იქ იქნება, სადაც სამშობლოს დასაქმება.

— ბატონო გიორგი, რომ მოუყვებოდა ჩვენს მკითხველს, როგორ აღმოჩნდით ქუთაისში?

— ჩემი ქუთაისში გადმოსვლა განაპირობა იმ ფაქტმა, რომ მერაბ კაპანაძე, ჩემი მასწავლებელი, მოიწვიეს ამ ქალაქში სამუშაოდ, მასთან ერთად ჩამოვედი მეც. თავიდან ორდინატორი ვიყავი, შემდეგ ორთოპედ-ტრავმატოლოგად, ხოლო ბატონ მერაბ კაპანაძის თბილისში დაბრუნების შემდეგ გავეხდი მიმართულების ხელმძღვანელი, შემდეგ კი — კლინიკის სამედიცინო დირექტორი.

მინდა აღვნიშნო, რომ ქუთაისში და ქუთაისელებმა თბილისი მიმიღეს, აქ უკვე 10 წელია ვმოდებოვარ და როგორც არ უნდა განვითარდეს მომავლში ჩემი ცხოვრება, ყოველთვის

მადლიერი ვიქნები ქუთაისელების.

— როგორც ვიცით, მრავალმხრივ ნიჭიერი ადამიანი ხართ. ყოფილი მუსიკოსი როგორ აღმოჩნდით მედიცინაში?

— მუსიკა ბავშვობიდან მიყვარს. პროფესიონალ მომღერალთა შორის ვავიზარდე. ახლა პროფესიონალი მსმენელი ვარ და ვაფასებ ხარისხიან მუსიკას, საკმაოდ დიდი ხანი ვიყავი ანსამბლ „მართვეს“ წევრი. ამ ანსამბლში გატარებულმა წლებმა და ისეთ პიროვნებებთან ურთიერთობამ, როგორებიც ბატონი ანზორ ერქომაიშვილია და აწ განსვენებული კოტე მშვიდლობაძე იყო, მნიშვნელოვანი გავლენა იქონია ჩემი პიროვნების ჩამოყალიბებაში.

რაც შეეხება მედიცინას, ოჯახში სამედიცინო სფეროს წარმომადგენელი არავინ მყავს, თუმცა დედა გვარად თურმანიძეა. მოგეხსენებათ, თურმანიძეების გვარი ოდიტორები იყო დაკავშირებული მედიცინასთან, მაგრამ მთავარი წვლილი ამ ვადაწყვეტილებებში მაინც ბებიას მიუძღვის. მას სურდა, ექიმი გამოვსულიყავი, მეც მაინტერესებდა ეს სფერო და ასე ავასრულე ბებიაჩემის ნება.

— დიდი ოჯახი გყავთ, რა დამოკიდებულება გაქვთ ქართული ტრადიციების მიმართ?

— ტრადიციული ოჯახი გვაქვს, ოთხი თაობა ერთად ვცხოვრობთ უფრო კონკრეტულად ერთი სულისკვეთებით ვცხოვრობთ: ბებია, მამა, დედა, მეუღლე, მეუღლის დედა, ჩემი ოთხი შვილი, ჩემი და მისი სამი შვილი. დიდი ოჯახის ერთად ყოფნით, თანაცხოვრების ტრადიციას ვინარჩუნებთ. ხშირად ვიკრიბებით და ვცდილობთ, პატრიოტული სულისკვეთება გავაძლიეროთ ჩვენს მომავალ თაობაში.



გიორგი ხუციშვილი

რ.ს. ფოტო ©

რაც შეეხება ეროვნულ ტრადიციებს, როგორც უკვე გითხარით, ანსამბლ „მართვეს“ წევრი ვიყავი, სადაც სიმღერასთან ერთად საქართველოს სულიერ ტრადიციებს ვგაზიარებ. ბავშვობიდან ვატარებ ჩოხას და როცა ჩოხით ვიმოსები, წარმოუდგენლად ამაღლებული გრძობა მეუფლება და განსაკუთრებულ პასუხისმგებლობას ვგრძობ.

— საქართველოს რომელი კუთხე, ქალაქი არის თქვენს პიროვნებასთან ყველაზე ახლოს?

— რაჭა. როდესაც გადავიღებ, ვანსატვირთად ყოველთვის რაჭაში ჩავდივარ. საქართველოს ყველა კუთხეში ნამყოფი ვარ, მაგრამ რაჭა ძალიან მშობლიურია. წარმოშობით ხუციშვილების ჩვენი შტო, რაჭიდან ვართ, მაგრამ თბილისში დავიბადე და ვავიზარდე. მეოთხე თაობის თბილისელი ვარ, შესაბამისად, თავს თბილისელად ვგრძობ, სამშობლო, ღირსება და მოვალეობა ჩვენი ოჯახის დევიზია არის და სადაც ჩემი სამშობლოს დასაქმება, მეც იქ ვიქნები.

— რა ცხოვრებისეული გამოცდილება მოგცათ მედიცინის სფეროში

ლიკა დავლარიანი

პედაგოგთა პროფკავშირი მასწავლებელთა საბაზო ხელფასის ეტაპობრივი ზრდის სამთავრობო პროგრამის შემუშავებას ითხოვს

„თუ მენტორების და წამყვანი მასწავლებლების მოტივაციის ამაღლებაზე ზრუნავს სახელმწიფო ხელფასის ზრდით, რატომ არ უნდა იზრუნოს უფროსი და პრაქტიკოსი მასწავლებლების მოტივაციის ამაღლებაზე? რა თქმა უნდა, არ მოგწონს ეს გადაწყვეტილება“, — ასე ეხმაურება საქართველოს პედაგოგთა და მეცნიერთა თავისუფალი პროფკავშირის პრეზიდენტი მაია კობახიძე განათლებისა და მეცნიერების მინისტრის ინიციატივას, მენტორის და წამყვანი მასწავლებლებისთვის დანამატის ზრდასთან დაკავშირებით.

კობახიძე საქართველოს პარლამენტს და განათლების და მეცნიერების კომიტეტს პედაგოგთა ხელფასების საკითხის მიმართ გულგრილობაში აღნაშთულებს და ამბობს, რომ პარლამენტში არ გამოუხატავთ დანერგვას პედაგოგის ხელფასების ზრდის შესახებ. მისი თქმით, პედაგოგი ისევე დარჩა თავის მიხედვით — ეკონომიკური მდგომარეობისა და პირისპირ.

„საქართველოს პარლამენტმა დაამტკიცა 2018 წლის ბიუჯეტი. არ გვქონდა დიდი მოლოდინი, რომ 2018 წელს გაიზარდებოდა პედაგოგთა ხელფასები, მაგრამ მაინც მოუთმენლად ვვლოდით ბიუჯეტის დამტკიცებას. ვფიქრობდით, რომ პარლამენტში მწვავედ დადგებოდა პედაგოგთა ხელფასების საკითხი, მაგრამ

ეს ასე არ მოხდა. ისევე როგორც 2017 წელს, არც 2018 წელს გვემავს სახელმწიფო პედაგოგთა ხელფასების ზრდას. ეს ფაქტი ჩვენთვის ასევე საშფოთარია ის ფაქტი, პარლამენტის განათლების კომიტეტი და საპარლამენტო უმრავლესობა სრული ინდიფერენტულობის იჩენს პედაგოგთა ხელფასების მიმართ, რომ არაფერი ვთქვათ ფინანსთა სამინისტროზე“, — ამბობს პედაგოგთა პროფკავშირის პრეზიდენტი.

მაია კობახიძის თქმით, პედაგოგი თუ დააყენებს ხელფასების ზრდის საკითხს, მაშინვე იწყება სხვადასხვა ტიპის დემარაჟი, რომ წარმატებული პედაგოგის ხელფასი 1000 ლარს სცილდება, ან მასწავლებლის ხელფასის ასამაღლებლად იგეგმება მხოლოდ სტატუსის შესაბამისი დანამატი.

როგორც პედაგოგთა პროფკავშირის პრეზიდენტი აღნიშნავს, სწავლის ხარისხის გაუმჯობესებაზე უამრავი ვანცხადება კეთდება. თუმცა მისი თქმით, თუ პედაგოგს არ ექნება ადეკვატური შრომის ანაზღაურება, არც სწავლების ხარისხი გაუმჯობესდება რადიკალურად და ვერც ახალი ძლიერი კადრები შემოვა ზოგად საგანმანათლებლო სისტემაში.

„ყველა დამეთანხმება იმაში, რომ მაღალი აკადემიური მოსწრების სტუდენტები, რომელიც ამთავრებს უმაღლეს სასწავლებელს, სკოლაში მუშაობას

ამჟამად არსებულ ხელფასზე ნამდვილად არ დაიწყებს“, — ამბობს კობახიძე. საქართველოს პედაგოგთა და მეცნიერთა თავისუფალი პროფკავშირის პრეზიდენტი განათლების მინისტრის მიერ დაანონსებულ მენტორ და წამყვანი მასწავლებელთა დანამატების ზრდას დისკრიმინაციულად აფასებს და ამბობს, რომ სტატუსების მიხედვით ხელფასის ზრდის საბაზო ხელფასის ზრდასთან მიხედვით წინააღმდეგია.

„თუ მენტორების და წამყვანი მასწავლებლების მოტივაციის ამაღლებაზე ზრუნავს სახელმწიფო ხელფასის ზრდით, რატომ არ უნდა იზრუნოს უფროსი და პრაქტიკოსი მასწავლებლების მოტივაციის ამაღლებაზე? კატეგორიულად წინააღმდეგი ვარ პედაგოგთა საშუალო ხელფასების ზრდას მიუბნის სტატუსების შესაბამისად ხელფასების ზრდას.

პედაგოგთა თუნდაც რაღაც ნაწილი იღებდეს კატეგორიების მიხედვით დანამატს, ეს პედაგოგთა ეკონომიკური მდგომარეობას ვერ გამოასწორებს. სტატუსის შესაბამისი დანამატის ზრდა უნდა განხორციელდეს საბაზო ხელფასის ზრდის პარალელურად“, — ამბობს პროფკავშირის პრეზიდენტი.

მაია კობახიძემ აღნიშნა, რომ ხელფასების ზრდის თავიანთი პოზიცია მინისტრს პირადად გააცნო.

„ახალ მინისტრს შეეხვედი, დაახლოებით 2 კვირის წინ დეტალურად ვისაუბრეთ პედაგოგთა ხელფასების ზრდის შესახებ, ჩვენი მოსაზრება ბატონი მიხეილისთვის მისაღები აღმოჩნდა. ჩვენ 2014 წლიდან ვთავაზობთ ხელისუფლებას, შემუშავდეს პედაგოგთა საბაზო ხელფასის ეტაპობრივი ზრდის სამთავრობო პროგრამა. 2015-2016 წელს ხელფასების ზრდა 2 ეტაპად განხორციელდა, მაგრამ ეს საკმარისი არ აღმოჩნდა. მასწავლებლების ეკონომიკური მდგომარეობა არ გაუმჯობესდა. შესაბამისად, ჩვენ ეს საკითხი დღის წესრიგიდან არ მოვიციინა.



მაია კობახიძე

2014 წლიდან ჩვენი კატეგორიული მოთხოვნა არის მასწავლებელთა საბაზო ხელფასის 3 – 5 წლიანი სამთავრობო პროგრამის შემუშავება. ჩვენი აღრესატი არის საქართველოს მთავრობა, ფინანსთა სამინისტრო, საკანონმდებლო ორგანო. მე პარლამენტში ვერ დავინახე პედაგოგთა პრობლემებზე დაინტერესება.

ჩვენ ვითვალისწინებთ ბიუჯეტის მდგომარეობას. ერთადერთი გამოსავალია, 3-5-წლიანი პროგრამა შემუშავდეს, რომლის მიხედვითაც ყოველ წელს ეტაპობრივად გაიზარდებდა პედაგოგთა საბაზო ხელფასი და მხოლოდ ასე შევძლებთ მასწავლებლის საშუალო ხელფასის გაუთანაბრდეს, თუ საჯარო სექტორში დასაქმებულების საშუალო ხელფასს არა, ქვეყანაში არსებულ საშუალო ხელფასს მაინც“, — აღნიშნა მაია კობახიძემ.

საქართველოს პედაგოგთა და მეცნიერთა თავისუფალი პროფკავშირის პრეზიდენტი აცხადებს, რომ 2018 წელსაც მასწავლებელი უნდა იყოს იმის მოლოდინში, როდის მიიღებს ხელისუფლებას საბაზო ხელფასის ზრდის გადაწყვეტილებას. ამიტომ მისი თქმით, ალბათ, დადგა დრო, ყველამ პროტესტის სხვადასხვა ფორმების გამოყენებით დაიწყოს ბრძოლა პედაგოგთა ინტერესების დასაცავად. როგორც მაია კობახიძემ აღნიშნა, ამისთვის ყველაწინა პროტესტის ფორმა წარმოუდგენია.

წყარო: edu.arls.ge